

Pilemon

Pauloŋe Pilemongât ekap kulemgum katbaŋgiop.

¹O bukune Pilemon,

Nâmâ Paulo. Nâŋe Kiristohâlen biwinaje kepeim yâkât den pat âlepŋe lohimbî ekyongoman. Yawu otmune yakât lok nombotŋaje menekmâ pâi emetŋan katnekŋetâ manmâ gan. Otmu bukunenŋe âlâ, Timoteo, yâk orop biwinetŋaje kepeiakmâ konohâk otmu tânahomait.

Emelâk gâ orowâk Kiristohât âi mem gawin. ²Yakât otmâ gâ otmu imbihe Apia, yetgât nâŋgâyitgiait. Otmu lok âlâ, kutŋe Arikipo, yâhâmâ hep beronje kunlipyeŋe yeŋgât tem lâuyiŋgim manmai dop yawuâk Kiristohât tem lâuwangim mansap yâkât gurâ nâŋgâwâŋgiait. Otmu lohimbî nombotŋe gâhât emelan menduhuakmâ Anitâ yet Kiristo yetgât den alahum mepaeyelekmai yen hârok yeŋgât nâŋgâm ekap yu kulemgum katyiŋgiait.

³Awoŋnenŋe Anitâ otmu Kutdânenŋe Yesu Kiristo yâkŋe yetŋe eŋgatyetŋeâk nâŋgâyîŋgim tihityeŋe otmutâ yeŋgât biwi nâŋgân nâŋgânyeŋaje hikuakmâ konohâk otmâ sânduk sâm gaekgât ulitgum gamait.

Pilemonŋe Kiristohât lohimbî hoŋ bayîŋgim manop.

⁴⁻⁵Gâŋe Kiristohâlen biwihaje tiŋâk kepeim tem lâuwangim ikŋe lohimbî hoŋ bayîŋgim gamat yakât den pat sâŋetâ nâŋgâwan. Yakât nâŋgâm Anitâ ulitguman yan gâhât nâŋgâm mepa saŋgan otbaŋgiman. ⁶Kiristo orop biwinenŋaje kepeiakmâ konohâk otmu manmunŋe manman âlepŋahât bulâŋe âlâlâ teteningimap. Topŋe katmâ yâkâlen biwinenŋe katbin yan manman âlepŋahât bulâŋe teteningiop yakât topŋe tipiŋe nâŋgâwin. Yâhâ gâ orop Kiristohâlen biwinenŋaje kepeim manmâ yâhânôm yan manman âlepŋahât bulâŋe teteningimap yakât topŋe nâŋgâm heŋgeŋgunomgât Anitâ ulitguman. ⁷Bukune, gâŋe Anitâhât

lohimbi yengât nângâyîngim biwiyenje mem hewewen̄ tuhūm gat yakât den pat sânetâ nângâmune biwine hewewen̄ otmu heronje nângâm mansan.

Pilemonje Onesimo mem buku tuhuâkgât Pauloje ekuop.

8-9 Gâhât den pat ya nângâmune âilon̄go otmap. Yakât otmâ yuwu sâmunen nângâ. Yesu Kiristo iknjak menekmâ aposolo sâm âi nihimu yâkâlen biwinañe kepeim tem lâuwangim gan. Yakât otmâ menekmâ pâi emetjan katnekjetâ mansan. Otmu Kiristohât sâtgât otmâ hoñ bawangim gan. Yakât otmâ den sâm gihiwomgât dop tap. 10-11 Yawu gârâmâ nângâhihiman yakât den lohottjan yuwu ekghomune nângâ. Emelâk lok âlâ, kutñe Onesimo, yâkñe gâ hoñ bahihim manmâ yâhâwuapgât Roma lok kunñe âlâne nep sâm wañop. Yâhâ yâkñe hoñ bahihim manmâ manmâ otmâ hilipguop. Otmâ hilipguop yakât matñe nihimap sâm yâkñe gâ pilâhekmâ wañga mem Roma kapi yuân takaop. Yawu gârâmâ sâp âlâen nâñe Kiristohât den pat âlepñe ekumune nângâmu bulâne otmu yâkâlen biwñe kalop. Yawu otmâ baralipyenñe âwâ mâmâlipyene tânyongonjetâ mansai yakât dopñeâk yâkñe tânnohomu mansait.

12-14 Yakât otmâ nâñe nângâwangimune nine nanne kambiamne yawu oap. Nâñe Kiristohât den pat âlepñe lohimbi ekyongomune nângâmailhât mem pâi emetjan katnekjetâ manmâ gan. Yawu gârâmâ gâñe taka tânnohowuatgât dop ki tap. Yakât otmâ gâñe nângârâ Onesimoñe nâ orowâk tatmâ tânnohowuapgât nañgan. Yawu gârâmâ ki ekghomune nângârâek tânnohowuapgât ki nañgan. Yâhâ nâñe alitmune orowâk tatmâ tânnohowuap yamâ gâñe nâhâitñe ikñe enñatñeâk otmap yawu nângânihiwuat. Yawu nângânihimatgât nâñe hângângumune gâhâlen taka hoñ bahihiwuat. Gâhâlen taka hoñ bahihim manbuap me pilârâ ikñe nângân nângân watmâ manbuap yamâ gikak nângâwuat dopñan otbuat.

15 Emelâk pilâhekmâ nâhâlen takamu Kiristohât den pat âlepñe ekumune yâkâlen biwinañe kepeim mansap. Yakât otmâ sâp kâlep ki otmuâk nâñe hângângumune gâhâlen âwurem taka nep ya biwinañe tiñâk mem hoñ bahihim manbuap. Topñe yawuhât mon pilâhekmâ nâhâlen takaop. 16 Emelâk ki pilâhekmâ nâhâlen takaop yan yâkñe gâhât hoñ bawa konok manop. Yâhâ sâp yiweren̄e Kiristohâlen biwinañe kepeim mansap. Yakât otmâ hângângumune gâhâlen taka hoñ bahihim manbuap. Gâñe Onesimo orop Kiristohâlen biwiyetñe kepeim manmutâ yelekmu dop konohâk otbuap. Yakât nângâm lohottjan otbawgiwuat. Nâñe dondâ nângâwangian. Otmu gâhâlen âwurem takawuap yan gâku yawuâk nângâwangiwuat.

17 Gâñe nâ orop biwinetñe kepeiakmâ konohâk otmu Kiristohât lohimbi hoñ bayîngimait. Yawu otmâ gâhâlen takamune enñakmâ heronje

nanngangim parahuakdomgât nanngan. Yawu gârâmâ yakât mâtâpne ki tetenihiap. Yakât otmâ Onesimo hânngângumune gâhâlen takamu buku otbangiwayatgât nanngan. ¹⁸Yâhâ emelâk wuân me wuân gâhât otmâ hilipguop me wuân me wuân wanjdâ matne ki gihio. Yakât gâne eknohorâ nâne matne gâ kâpekgihiwom. ¹⁹Den yan yu nânngâm engat yâhâp otmatgât lok pepa kulemgua. yu ekumune kiripi nihimu ninak kulemguan yu ekbuat. “Nâ Paulo, nâne Onesimohât tosa yakât matne gâ kâpekgihiwom.” Yawu gârâmâ yuwu sâmunne nânngâ. Nâ ninahâk Kiristohât den pat âlepne ekgohomune nânngârâ bulâne otmu yâkâlen biwihe kalon. Yawu otdâ Anitâne manman kârikjahât pat kuhihimu mansat. Buku, yakât matne nihi sâmi ki ulitgohoman. ²⁰Gâne nâ orop biwinetjane kepeiakmâ konohâk otmu Kiristo hoj bawanngimait. Yakât otmâ den ekgohoan yu nânngâm bukunetne gâhâlen takamu buku otbangiwayat. Yawu otbuat yan biwine hewewej otmu herone nânngâwom.

²¹Otmu den kulemgum katgihian yu ekmâ nânngârâ tepge hewewej otmu buku otbangiwayat. Yakât nânngâm engat yâhâp ki oan.

²²Otmu den âlâ yuwu sâmunne nânngâ. Roma yengât lok kunyenejane tembe lâulipne ekyongomu yâkne holañnekjetâ yengâlen takamune enaknomgât yeje Anitâ ulitgum manmai. Yeje Anitâ ulitgumai ya nânngâm Roma yengât biwiyenjan kioñmu holañnekjetâ yengâlen takawomgât biwine mem mansan. Yakât otmâ emet henngunjetâ tatmu yan taka imbomgât nanngan.

Den bânne sâop.

²³Bukunetne âlâ, kutne Eparara, yâkne Yesu Kiristohât den pat âlepne ya lohimi ekyongop. Yakât otmâ mem pâi emetjan katjetâ orowâk tatmâ gait. Yâkne nânngâyinjai. ²⁴Otmu bukulpnenne nombotjane Kiristohât den pat âlepne ya Roma kapi ambolipne kâsikum yingim mansai ya yengât kutyejeâmâ yuwu. Mareko, Aristako, Dema, Luka. Yâkne gurâ nânngâyinjai.

²⁵Kutdânenne, Yesu Kiristo, tihitnenne otmapne biwi nânngân nânngânnenne mem kepeimu konohâk manmâ yâhânom. Ya bonnganâk.

Nâ bukuhe,
Paulo.